

明鑑紀事本末



大猷紀事本末卷之九

軍山西偏提督浙江學政兼事豐潤谷應泰編著

大猷軍容志圖錄軍容志卷之六示
際種

王之西王宗興回軍至和順與俞
男際

粵定秦晉
際

太祖洪武元年元將李思齊張良弼聞王師下河南

卽駐兵潼關以拒旣而火焚良弼營思齊仍移軍退

守葫蘆灘遣其部將張德欽穆薛飛守關五月都督

同知馮宗異抵潼關思齊棄輜重走鳳翔良弼奔麟

城內寅宗異遂入潼關引兵西至華州元守將望風
奔潰先是宗異下陝州上遣使諭之曰若克潼關勿
遽乘勝而西今大將軍方有事北方宜選將守關以
遏其援兵爾且率師回汴梁至是五月庚午徐達謂
僉事郭興將慶陽衛指揮于光威武衛指揮金興旺
守之丙子宗異回軍至陝州與徐達俱還河南入
月大將軍徐達副將軍常遇春既定元都受命帥師
取山西副將軍馮宗異偏將軍湯和季章楊景俱從
大將軍徐達征討九月乙丑副將軍常遇春等下

保定。留指揮李德守之。丁卯下中山。以指揮董觀
之。遂帥師趨真定。元帥將孫平章棄城走。十月
辰。大將軍徐達遣廣武衛鎮撫劉聚守河間。兼領
事。副將軍馮宗異。偏將軍馮和。由河南渡河。克武
平。懷慶。元平章白鎖住棄城遁。兵至太行山。蛇子城。
破其關。元兵奔潰。進取澤州。元平章賀宗哲棄城遁。
破唐盤寨。獲參政俞仁。戮之。進克潞州。分兵克維州。
以鎮撫程信守之。六十一月癸丑。徐達克趙州。以參
隨王斌守之。右丞薛顯敗宋脫脫帖木兒于石州。獲

廓帖木兒遣其將韓札兒來攻澤州楊璟張彬往援之遇元兵于韓店大戰失利十二月大將軍徐達率諸軍進取太原擴廓帖木兒敗走擴廓帖木兒者察罕帖木兒甥也先是察罕與羅山人李思齊起兵擊賊元授察罕汝寧達魯花赤察罕死詔擴廓領父兵封河南王而李思齊亦在節制中思齊自謂父行與他將張良弼孔興脫列伯等皆欲異軍思齊遂據盤屋良弼據麻臺擴廓遣關保虎林赤攻麻臺李思齊孔興脫列伯皆與良弼合元數趨擴廓出師擴廓

遣其弟脫因帖木兒及部將完哲爾高往山東而自
與思齊良弼相攻。一歲餘。元下詔與和解。擴廓殺詔
使拒命。遣兵據太原。元太子與關保思齊良弼諸軍
合夾攻澤。復削奪擴廓爵邑。令思齊等誅之。擴廓退
守平陽關。保據澤潞三州。與爾高合戰而明兵已及
河南。思齊良弼乃自詣擴廓與結好。因解兵西歸擴
廓與爾高關保戰擒之。上疏陳罪。元赦擴廓帖木兒
復其官。使出兵禦明。命右丞也速超山東。丞相出潼
關。李思齊出七盤金海。圖復林林。然大將軍已至通。

入北平順帝夜開建德門北走仍命擴廓軍兵出雁
門關由保安州經居庸關以攻北平達聞之謂諸將
曰王保保率師遠出太原必虛北平孫都督總六衛
之師足以鎮禦我與汝等乘其不備直抵太原傾其
巢穴彼進不得戰退無所依此兵法所謂批吭擣虛
也若彼還軍救太原則已爲我軍制進退失利必成
擒矣遂引兵徑進擴廓旣至保安州聞之果還軍前
鋒萬騎突至傅友德薛顯率敢死士數十騎衝却之
擴廓軍于城西壓明軍而陣指揮郭英憑高望之謂

常遇春曰。彼兵多而不整。營大而無備。請夜劫之。遇
春然其計。與徐達謀曰。我騎兵雖集。而步兵未至。何
以能戰。莫若遣精騎。夜劫其營。其衆可殲。衆亂。生將
可縛也。會擴廓部將豁鼻馬潛遣人絙絛。出請爲內
應。達大喜。遂乘夜襲之。先遣五千騎伏城東十里。以
舉火鳴砲爲期。至夜。郭英率七餘騎潛入其營。舉火
鳴砲。伏兵應之。遇春等兵大至。鼓噪相接。軍大潰。自
相蹂躪。擴廓方燃燭坐帳中。使兩童子執書侍。倉卒
不知所出。亟納靴衣。蹙一足踰帳後。出得驥馬從

十八騎遁去。達等勒兵追管城西。詔鼻馬以其將校
降。得兵四萬人。馬四萬餘疋。擴廓奔大同。遇春率兵
追至忻州。不及。得行人汪河還。擴廓走甘肅。庚午。
徐達遣傅友德、薛顯將步騎邀擊賀宗哲于石州。敗
之。以戴復初署霍州。下玉明署忻州。蔣應宗署岢嵐。
翁子奇守大石。副將軍馮宗異西至猗氏。擒元右丞
賈成。甲戌。進攻平陽。擒元右丞李茂。下之。參政陸聚
率兵攻車子寨。及鳳山成山。岫山三寨。降之。復取故
關山寨。承天寨。宗異進攻絳州。克之。擒元右丞田保。

得俘虜將士五百人。賜曲皮皮等十寨頭目各以
其衆詣大將軍徐達營降。

二年春正月。詔免北平、燕南、山東、山西、河東、河南、潼
關、唐、鄧、光、恩等處稅糧。丁卯。策副將軍常遇春帥師
攻大同。庚申。兵至大同。元守將竹真棄城走。擒知院
手陳等八十餘人。叅政傅友德將兵屯朔州。右丞
薛顯攻下潞州。桃花寨大將軍徐達遣叅政陸聚分
兵守井陘。散關。聚進攻承天寨。克之。癸亥。遣使賁
勃往山西諭諸將曰。近者大夫湯和定浙左。平閩中。

平章楊璟靖湖湘定廣西班師還朝未有定賞以大將軍等滅元未還故也于是遣諸偏將從大將軍征進楊璟兵出澤潞中道與賊相拒雖少算以累軍此亦兵家常事且太原得此爲將綴以分其勢今定左副將軍馮宗異居遇春之下偏將軍湯和居宗異之下偏將軍楊璟居和之下協力同心剪除餘寇二月大將軍徐達師次河中副將軍常遇春馮宗異先渡河趨陝西三月乙未元鄜城守將副樞施成詣軍門降徐達仍令成守之庚子徐達師至鹿臺遂入

奉元路先是李思齊據鳳翔副將欽穆薛飛等守關中張思道與孔興脫伯列金牌張龍濟民李景春等駐鹿臺以衛奉元至是大兵入關思道等先三日由野口遁去達遣都督僉事郭興將輕騎擣奉元而自率大軍繼進渡涇渭至三陵坡父老千餘迎降達按兵遣左丞周凱入城撫諭明日整兵入收奉元路爲西安府以夏德署府事留耿炳文守之炳文在長安脩築涇陽洪渠諸堰十萬一千餘丈民便利之大軍西征供億繁急炳文輸餉五千石赴鞏昌軍食賴以

兄達師之至鹿臺也。元陝西行省平章哈麻圖素奉
元走盤屋。爲民兵所殺。平章歪頭西臺治書侍御史
王武遁去。復降。斬之。西臺御史桑哥失里守關家洞。
達遣攻之。勢窮促。不屈。與妻子俱投崖死。左丞拜秦
古逃入終南山。郎中王可仰藥死。檢校阿失不花自
縊死。三原尹朱春與其妻亦俱投崖死。時關中饑。上
聞。命戶賜米一石。繼又命赴孟津倉。戶給米二石。民
大悅。癸卯。常遇春馮宗異等帥師發陝西。進克鳳
翔。初。李思齊之奔鳳翔也。上以書諭之曰。前者遣使

通問至今未還。豈所使非人。忤足下而留之與。抑元
使適至。不能應而殺之。若然。亦時勢之常。大丈夫當
磊磊落落。豈以小嫌介意哉。夫堅甲利兵。深溝高壘。
必欲竭力抗我軍。不知竟欲何爲。昔足下在秦中。兵
衆地險。雖有張思道。專尚詐力。孔興等。自爲保守。掘
廊以兵出沒其間。然皆非勍敵。足下此時不能圖秦。
自是已失此機。今中原全爲我有。向與足下相爲犄
角者。皆披靡竄伏。足下以孤軍相持。徒傷物命。終無
所益。厚德者豈爲是哉。朕知足下鳳翔不守。則必深

入沙漠以圖後舉。然非我族類其心必異。倘中原相
從之衆以塞地荒涼。一旦變生肘腋。妻孥不能相保
矣。且足下本汝南之英。祖宗墳墓所在。深思遠慮。獨
不及此乎。誠能以信相許。翻然來歸。當以漢寶融之
禮相報。否則非朕所知也。思齊得書有降意。其麾下
誘之與西入吐蕃。思齊惑之。至是大兵至鳳翔。思齊
懼。遂帥所部奔臨洮。秦政傳友德克鳳州以指揮
張能守之。夏四月丙寅。太將軍徐達會諸將于鳳
翔議所。同諸將咸以張思齊之才不如李思齊。慶陽

易子臨洮。欲先由兩州取慶陽。然後從隴西攻臨洮。
達曰。不然。思道城險而兵悍。未易猝拔。臨洮之地。西
通番戎。北界河湟。取之。其人足以備戰鬪。其土地所
產。足以供軍儲。今以大軍蹙之。思齊不西走胡。則東
手就縛矣。臨洮既克。則旁郡自下。諸將然之。達乃留
御史大夫湯和守營壘輜重。令指揮金興旺。余思明
等守鳳翔。遂移師趨隴州。克之。尋至秦州。馬跑泉。元
守將呂德張義遁去。遣都督僉事陳德追獲之。以合
肥衛千戶王宏將兵五百守隴州。張規管將兵千人。

守秦州達進師至鞏昌元守將梁子中汪靈真保等
出降以都督僉事郭興守之遣馮宗興攻臨洮顧時
戴德攻蘭州丁丑顧時等克蘭州以指揮韓溫守之
馮宗興師至臨洮李思齊窮迫舉城降宗興遣人送
徐達營達遣指揮韋正等守之臨洮捷奏至上覽畢
節遣使諭徐達曰李思齊既降宜進攻慶陽寧夏張
思道兄弟多詐若來降當審處之勿墮其計也李思
齊入見命爲江西行省左丞不之官食祿于京師
己卯徐達師入安定州以降將陳宗聚署州事調青